



Ioannes apud Lucemburgēses honesto loco natus, & optimē educatus est. Is cum felici ingenio esset præditus, operam literis dedit, & in ijs plurimum profecit. In primis uerò Iurisprudentiæ incubuit, & eloquentiæ studium coniunxit. huic eruditioni addiderat uitæ innocentiam, & magnam animi prudentiam. Itaq; factum cum Mathias Heldus loco motus esset, ut Nauius Granuellani opera in eius locum 1540 Procancellarius Cæsaris constitueretur, ut qui suis moribus esset obsequētior. Postea Carolus Imperator hunc Nauium ob rerum usum multū dilexit, & suo nomine res maximas hinc inde in Imperio egit. Nam statim eodem anno Gra-

nuellani legatus in colloquio Vuormatiensi interfuit, & pro sua uoluntate omnia direxit. Postea quoq; 1544 in Spirensibus comitijs Cæsar per eum inter Landgrauium & Brunswicensem multa egit, & hos inuicem reconciliare uoluit. Pari ratione sequenti anno per Granuellanū & Nauium multa cum Protestantibus de Concilio & bello Turcico egit, & in primis Nauium ad Coloniensem, Moguntinensem, & Palatinum electores misit, atq; animi sui sententiam exposuit. Pari ratione Ratisbonæ 1546 in comitijs per Nauium Cæsar ciuitates Imperij de futuro bello admonuit, atq; ut quiescerent, consuluit. Cum hoc modo ob rerum agendarum dexteritatem Nauius in magna autoritate esset, atq; Carolus iam per superiorem Germaniam uictor contra Saxoniæ electorem expeditionem susciperet, Nauius sub initium 1547

obijt, & Georgius Seldus in eius locum successit. Io-
han, Sleid,